

HARVARD COLLEGE LIBRARY  
FROM THE  
HARVARD-YENCHING  
INSTITUTE  
JUL 11 1929

5

~~CA 3145.4472-80~~

T 3145 / 4472-80

v. 5

封邱縣志卷八

藝文

傳類

公會晉侯齊侯宋公衛侯鄭伯曹伯邾子杞伯

同盟於蟲牢左傳

魯成公五年

冬十有二月己丑同盟於蟲牢鄭服也諸侯謀復會

宋公使向為人辭以子靈之難

公會劉子晉侯齊侯宋公衛侯鄭伯曹伯莒子

邾子滕子薛伯杞伯小邾子于平邱左傳

魯昭

公十三年



晉成虎祁諸侯朝而歸者皆有貳心爲取鄭故晉將以諸侯來討叔向曰諸侯不可以不示威乃並徵會告於吳秋晉侯會吳子於良水道不可吳子辭乃還七月丙寅治兵於邾南甲車四千乘羊舌鮒攝司馬遂合諸侯於平邱子產子太叔相鄭伯以會子產以幄幕九張行子太叔以四十旣而悔之每舍損焉三會亦如之次於衛地叔鮒求貨於衛淫芻蕘者衛人使屠伯饋叔向羹與一篋錦曰諸侯事晉未敢攜况衛在君之宇下而敢有異志芻蕘者異於他日請之叔向受羹及錦曰晉有羊舌鮒者瀆貨無厭將及矣爲此後也子若以君命賜之其口已密從之未退而禁之

八月甲戌同盟於平

左傳

魯昭公十三年

晉人將尋盟齊人不可晉侯使叔向告劉獻公曰抑齊人不盟若之何對曰盟以底信君苟有信諸侯不貳何患焉告之以文辭董之以武師雖齊不許君庸多矣天子之老請帥王賦元戎十乘以先啓行遲速唯君叔向告於齊曰諸侯求盟已在此矣今君弗和寡君以爲辭對曰諸侯討貳則有尋盟若皆用命何盟之尋叔向曰國家之敗有事而無業事則不經有

業而無禮經則不序有禮而無威序則不共有威而不昭共則不明不明棄共百事不終所由傾覆也是故明王之制使諸侯歲聘以志業間朝以講禮再朝而會以示威再會而盟以顯昭明志業於好講禮於等示威於衆昭明於神自古以來未之或失也存亡之道恒由是興晉禮主盟懼有不治奉承齊犧而奄諸君求終事也君曰余必廢之何齊之有惟君圖之寡君聞命矣齊人懼對曰小國言之大國制之敢不聽從既聞命矣敬共以往遲速唯君叔向曰諸侯有聞矣不可以不示衆八月辛未治兵建而不飾壬申

齊人甚人甚於晉曰魯初伐我亡矣我之不共魯故之以晉侯不見公使叔向來辭曰諸侯將以甲戌盟寡君知不得事君矣請若無事子服惠伯對曰君信蠻夷之訴以絕兄弟之國棄周公之後亦唯君寡君聞命矣叔向曰寡君有甲車四千乘在雖以無道行之必可畏也况其率道其何敵之有牛雖瘠憤於豚上其畏不死南蒯子仲之憂其庸可棄乎若奉晉之衆用諸侯之師因邾莒杞郕之怒以討魯罪間其二憂何求而弗克魯人懼聽命甲戌同盟於平邱齊服也令諸侯日中造於除癸酉

退朝子產命外僕速張於除子太叔止之使待明日  
及夕子產聞其未張也使速往乃無所張矣及盟子  
產爭承曰昔天子班貢輕重以列列尊貢重周之制  
也卑而貢重者甸服也鄭伯男也而使從公侯之貢  
懼弗給也敢以爲請諸侯靖兵好以爲事行理之命  
無月不至貢之無藝小國有闕所以得罪也諸侯修  
盟存小國也貢獻無極亡可待也存亡之制將在今  
矣自口中以爭至於昏晉人許之旣盟子太叔咎之  
曰諸侯若討其可瀆乎子產曰晉政多門貳偷之不  
暇何暇討國不競亦陵何國之爲仲尼謂子產於是  
行也足以爲國基矣詩云樂只君子邦家之基子產  
君子之求樂者也且曰合諸侯藝貢事禮也

公會晉侯及吳子于黃池左傳

魯哀公十三年

六月丙子越子伐吳爲二隧疇無餘謳陽自南方先  
及郊吳太子友王子地王孫彌庸壽於姚自泓上觀  
之彌庸見姑蔑之旗曰吾父之旗也不可以見讐而  
弗殺也太子曰戰而不克將亡國請待之彌庸不可  
彊徒五千王子地助之乙酉戰彌庸獲疇無餘地獲  
詐陽越子至王子地守丙戌復戰大敗吳師獲太子  
友王孫彌庸壽於姚丁亥入吳吳人告敗於王王惡

其屬也自到七人於幕下秋七月辛丑盟吳晉爭先  
其人曰於周室我爲長晉人曰於姬姓我爲伯趙鞅  
呼司馬寅曰日盱矣大事未成二臣之罪也建鼓整  
列二臣死之長幼必可知也對曰請姑視之及日肉  
食者無墨今吳王有墨國勝乎太子死乎且夷德輕  
不恐久請少待之乃先晉人吳人將以公見晉侯子  
服景伯對使者曰王合諸侯則伯帥侯牧以見於王  
伯合諸侯則侯帥子男以見於伯自王以下朝聘  
帛不同於敝邑之職貢於吳有豐於晉無不及焉以  
爲相也且諸侯會而君將以寡君見諸君曰晉侯曰

伯矣敝邑將改職貢以魯賦於吳八百乘若爲十  
將半邾以屬於吳而如邾以事晉且執事以伯召諸  
侯而以侯終之何利之有焉吳人乃止既而悔之  
囚景伯景伯曰何也立後於魯矣將以二乘與六人  
從遲速唯命遂囚以還及戶牖謂太宰曰魯將以十  
月上辛有事於上帝先王季辛而畢何世有職焉自  
襄以來未之改也若不會祝宗將曰吳實然且謂魯  
不共而執其賤者七人何損焉太宰嚭言於王曰無  
損於魯而祇爲名不如歸之乃歸景伯

尚書黃公傳

大梁李夢陽

提學副使

尚書黃公者封邱人也名綬字用章其先洛人高祖克讓始徙封邱克讓生思豫思豫生秀秀生中中生黃公初明兵起思豫掌太常寺以罪編氓沅州巴又軍平越衛於是平越沅州封邱洛皆有黃氏乃後秀商金陵死中收其貲商重慶娶於張生公重慶於是重慶亦有黃公生之後夜夢老人抱嬰兒曰送塞尚書爲汝子長依舅氏張宗琦宗琦爲麻城學職從如麻城歸如平越補衛學生正統丁卯以春秋中重鄉試第五明年登進士第除行人隱南京刑部員外郎郎中出爲四川叅議叅政進右布政使轉湖廣左布政使陞右副都御史巡撫延綏進南京戶部尚書改左都御史尚書仍舊黃公蕪峻直執遇事輒祭正色山立卽重忤時貴弗恤智巧所避公毅然肩之入率竊笑其呆然亦以是獲名郎中時人業以硬黃目之矣部堂嘗缺官公署堂印諸寮事之卽猶堂官也亦才職超之之故譚千戶者大猾也善權顯貴人常奪民蘆塲顯貴人無敢爲民直者公直之竟歸之民爲叅議督松茂諸倉兼備其兵釐革宿弊擒豪惡數百人舉劾將官各當邊賴以寧叅政如崇慶旋風擁輿不得行公曰汝冤氣邪姑散予圖之至州齋沐禱

夢翌日清其囚無驗乃禱諸城隍夜果夢若有神言  
州西寺者寺去州四十里邊路而巢山公旦起率州  
官吏兵往詣寺圍捕之有僧少而惡詰之無跡使醋  
至塗其額曬洗之則有巾痕乃鞠訊之遂盡暴其奸  
慝云寺後有巨塘凡投宿人則殺之沉塘中衆分其  
財有妻女則分其妻女又攢典李節陽王親也侵盜  
官糧巨萬數王爲之窟公按之悉如法公雖錢穀司  
然摘發奸伏以是威行境中嘗道川東青神令望風  
解印綬走爲右使秦開建昌銀礦許之大盜周主簿  
者哨衆抄掠檄公平之公謂盜起於煩苛宜少寬養

而闕官以方貢橫斂公抗不從闕擠移近省墜左使  
時兩京工興徵銀二萬例派民公以庫積羨餘克之  
又勢豪馬快船積萬安通索又荆王奏徙墳塚公悉  
不從省費巨萬又計錮僧繼曉於是威惠大行繼曉  
之來也勢熾灼人公私謂諸公曰曉以妖術媚上遂  
奸眠食共之今避而反鄉名掃墓而實逃生耳乃令  
武昌府錮之後堂陽尊禮之居無幾曉果敗檻送京  
斬之西市公在蜀嘗忤閣臣萬安銜之二年六推威  
抑公知之乃亦連疏乞罷凡三上已乃有巡撫延綏  
之命首劾叅將郭鏞都指揮鄭印李鐸王琮葭州史



知州等又計捕豪奸張綱乃於是拔才能察幽隱  
疾苦飭廢墜於是申號令修器械嚴警邏節候望  
政爲新公見飲馬婦片布遮其下體乃悲以慚曰  
乎士之貧至此極乃驅之戰守邪於是令豫文米  
三會詔毀菴寺令使汰尼解軍門給配鰥士人人  
懽悅無不願爲公死者及公去尼有携子女拜送路  
傍者公既官六曹益無所顧避威稜截然改掌憲院  
天下方仰望風采公自以歷侍五朝中外凡五十年  
懃直崖異忤人獲名伏禍難測又盛滿宜戒乃九年  
懇乞骸骨居無何疾作竟不起年七十有一所

議及政績并

不

一道人蟾陽子有詩

有國制文極於六曹

官之北斗天造不論夏

經綸悃悃宗北社

是屬三楊公亮寅協

聖省坐臻太平君

所謂代天之相英廟之

文達畧似馬周吁

密畫顯斷萬機積

一變成化間忠良

原河州單縣封邱

出居則岳屹動則

事斧斷小細海畜

請劔必殛使見之

聞之者懾斯其人

其足動之哉然較

以前則殊矣時與

位不同

華容洪洞釣陽靈寶陽曲

氏金陵安福咸稱名

然志存納約行在精審苟

其事小枉安焉局體又

變矣雖形迹罔暴義遵矯

亦運數然歟自言路

伸毀譽進黜氣酸滿盛公

欽遜正德以來遂廢

難觀亦諸人甘寵務譽稍

嘉美便立祠樹碑要

徵頌鏤板鐫石惟恐不流

信後也此意既橫機

自生工言論務彌縫斯文

變然黃公為左都

甄御史量能委之火其差

於庭曰事貴得人

勞久近豈立官者意哉當

財言官能毀之黜之

耶斯為政在人邪抑時

邪公焚奏卓

羨視汲汲流今而信後者又何如邪江潮食鹽錢

民苦包攬掊勒呻吟公為尚書力條其折徵銀狀以

聞至今行之便此其事比之汲汲流今信後者得與

失不較然白哉公年二十六舉進士始室孫郎中鑪

女也生子楫霖彬封宜人贈夫人繼室魯衛鎮撫宣

姊生子紀桓封夫人蓋終其身無妾婢云彬工部司

務桓光祿寺署正公卒之日皇帝驚悼遣祭勅有司

營葬墓在長葛縣馬陵岡

太僕邊公傳子之靖附

邊公諱有猷字克壯號南亭本邑人成萬歷甲戌進

士初授長垣令垣去封不二舍公嚴禁門者毋得內  
鄉人刺仁民重士力挽靡習導之節儉邑用大治久  
次當徵以不阿時宰當事奪其荐僅量移晉陵郡丞  
時論殊惋之爲公立祠肖像祀焉公怡然曰莫非王  
臣何地不可以自効時孟河盜徒出沒海上日殺官  
兵二千石不能制公不動聲色設方畧擒之尋授戶  
曹郎轄鈔許墅閔燕平惠商繼守蘓州緣艱去後補  
西安守西安天府也合屬所上賦金以鉅萬計例有  
耗羨充公費公惟手自登記悉佐公帑絲毫無所與  
前此未有也會劉學叛塘報洶洶或勸公家眷宜亟

回公且吾家人勸城中人僞勸我乃我甲自請一  
城有平原睢陽之風夫人獨死公嗣郎後司馬公之  
請立宅內井傍亦慷慨誓以死後賊擒城保以剽去  
復補常州守課最爲三吳第一舉卓異尋進山東按  
察司副使飭兵羈州公按行諸要害扼險設伏賊或  
驟馬禦人者多設伏擒之境內乃安未幾以叅政勸  
密雲兵備威望振徼外尋進廉訪使連進方伯晉菴  
入僕寺卿備兵密雲如故或謂公地望重稍委折書  
撫可唾手取公笑曰盛年矢栢舟之節晚年效桑中  
之期吾不能也遂具疏乞休疏三上而始允歸則健

戶却掃日以課督諸孫爲樂敦倫訓俗卧林下十餘  
年無一字爲人若間得過鄉黨朋友公以嫖節完名  
壽開大髮屢與鄉飲前部使者御史中丞薦劾謂羽  
翼世道冠冕人倫信哉前邑志屬公手撰其文詞典  
雅尤爲諸作者所莫及云年八十六歲卒入鄉賢奉  
祀子之靖字國柱號成南登萬歷丙辰進士方放榜  
僕人持家信至聞公父罔鄉病劇公卽出都就道善  
程抵家罔鄉曰汝捷南宮來矣喜溢於色病稍愈進  
公曰我病事小汝屢對事大急去勿逗遛公曰功爲  
身外物親體尚未大愈兒遠離安忍至已去始發

初授太湖令湖人有神君十政頌時湖風狂逞人心  
騷動公力爲剪除餘孽解散當事者首錄人賢誦繁  
興化環邑多水力農者寡公諭以魚樵利令民實鬻  
爲資時海寇出沒無常屢爲民害前令莫敢詰公設  
法擒之悉就膏斧邑人深德之公家學甚富尤樂於  
興士講學其評文甲乙不爽興士靡不心折有謀士  
錄行於世後獲雋者率公素所甄拔人咸服其鑒徵  
入武闈行至鳳陽道中聞罔鄉訃信公哀痛壘墓命  
家人往取百口其歸裝僅圖書數篋而已外此一無  
所有與人聞之無不流涕曰我侯清苦一至此乎全

爲公肖像立祠抵里營葬畢廬墓三載每晨夕不  
服闋補河津令其惠津者猶湖與興也懋績益著  
兵部武庫司主事尋督餉山左暨本省稱旨晉授  
提督武學也人稱爲飛熊夫子會都城有變公分  
平子門環甲露處忠勇彌奮適上巡城至公所曰  
有事於城守者不當如邊主事乎遂書名於御座  
議遷公爲本部員外郎緣彼時當事者投刺事覺累  
及公然彼時所投刺者不獨公也衆皆易刺期  
復勸公曰應上訊亦當如是刺公毅然不從曰  
則欺君也吾寧止謹謫安肯蹈欺君之罪衆以

里杜門謝客著述群書訓迪子弟輩暨諸孫修行勤  
學皆列膠庠有蜚聲公雖世裔而家素寒儉布袍蔬  
食饒有餘樂服屨率敦樸卽時尚屢易不渝常度有  
古君子風巡方者灼知公賢屢騰薦起用公堅意以  
衰老辭年七十八卒里人咸思慕之祀興化名宦今  
議入本邑鄉賢祠

李公實政傳

趙賓 刑部郎中

李蓋軒先生諱曰敬字伯忠家世平邱人少治舉子  
業卽好倜儻畫策屢試輒冠軍餼甘人中緣數竒遂  
以明經起家授魯山訓導先生雖官寒羶乎凡事關

民社者輒侃侃言無忌諱會郡王有吉禮直指例爲  
文以賀命先生具草進先生下筆數百千言倚馬可  
待先生以古東湖教士法約束諸弟子諸弟子率蒸  
蒸向化有鄰魯風二千石器重之試以民社令署  
邑篆先生游亦有餘尋以直指薦遷阜平令阜平隸  
中山割五臺麓而治焉先是先生未下車礦璫挾官  
家勢橫甚魚肉小民掌大赫蹄下邑令所令奉行逾  
尺一詔無賴子竄籍候中爲璫耳目諸朱符鐵纏  
交于道當之者輒闔門宵遁去無賴子群起索問并  
賄賄不至則曰某家某地當礦基荷鍾畚者千萬羅

戶外郎層樓畫閣頃刻爲九淵矣先生入境問父老  
所疾苦父老一言狀先生曰此令事也無愁苦父  
老爲受事後郎盡逮不逞子弟竄籍祇候者嚴治之  
閉狎牢中極詆中官違制害民具蔬草慟哭上之大  
中丞大中丞力止之璫反以阻撓礦政馳驛劾先生  
賴人主知先生廉而毅僅奪俸三月而一時官先生  
上者俱咋指無人色璫祇候者絕跡于先生之四履  
阜平得安堵無幾何撤璫當父老子弟斗酒相賀曰  
今而後吾輩獲安枕矣于是父老子弟伐石五臺山  
立豐碑于中使開採處先生流風善政遂與五臺山峯

巒洞萬古矣而父老子弟意猶未已闢一畝宮肖先生像于康莊歲時伏臘執豚蹄斗酒羅拜者若崩角先生公餘製蠟屐徧遊五臺臺各有詩諸衲衣同父老繁先生馬首不聽去先生亦出躋勝具徧躋諸名勝搦管自紀其奇至今讀先生遊記其風流猶在目也秩滿擢岳州別駕別駕職權沙市稅諸巴蜀之丹漆槿布織錦絛扇椅梓松杉艤艦啣尾蔽長江自青天而下貨山集先生惟以裕國通商爲務無染指未幾引年去春秋逾八袞稱上壽子狄門龍門讀父書咸以風雅稱名士諸孫念門遊太學訓王畿士喬岳丙戌捷南宮茲佩爲名御史視醴淮上督兩江學政摠以先生爲瓜瓞云野史氏曰前朝蓋雅重甲乙榜云士不由甲乙榜起家卽才僑胥而學董賈卑卑無出頭日乃若蓋軒公之爲令慟哭草蔬視權璫如伏雛其侷儻磊落固有太白令力士脫靴風先生豈其苗裔耶何奇氣之相類耶甲乙榜豈足限人哉甲乙榜豈足限人哉

賦類

縣署小亭賦

薛瑄

嘉靖辛卯封印令味泉主人作園亭于縣署之隙政

暇則遊於其中適氣體節勞逸一日臨觴欲醉興致  
騷然乃作園亭賦其辭曰予少居濩澤之涘遊太行  
之谷屋蔭槐榆徑羅花竹水蒲朝旋雲岩夕宿及壯  
偶投塵組遊宦河澣幸邑簡民稀俗愿治易值吏事  
之多暇樂幽棲之閑適乃因官署隙地誅草構亭左  
帶黃池右隣青陵背封父之荒基面蠡牢之舊城追  
茅茨之太樸削山藻之靡文南隣院落半區北包園  
圃數畝苔蘚蔓延林莽叢簇命童子治畦結籬引水  
移石植以河陽之花種以彭澤之秫徙草榻于當窻  
陳書圖于滿屋時乎庭訟息吏人歸掃沙徑拂鳥

子于是游焉休焉卧卽湘簟行傍林陰蘇簿書之倦  
日寬簪履之羈身摘花萼以泛觴汲泉流而烹茗懷  
祭遵之歌壺擬宓子之鳴琴時或久處思興習澆成  
鬱則染柔翰掀素楮玩古帖以臨池步虛簷而覓句  
頗以自娛奚求外飾且其地偏人寂則有山居之幽  
林翳花氛則有野行之趣雲閑鳥還則有遯世之思  
風清晝白則似羲皇之景昔人所譚吏隱將不在是  
乎蓋聞達人適志君子安土悲鄙夫之患得空勞擾  
而徵逐羨曾點之春風矧石崇之金谷登斯亭者尚  
其知吾之樂



風俗利微圖說

邑人邊之靖

封邱古稱封阜距大梁之北西連河雒東接齊魯左  
蒲右衛前附郡省五十里後境盡復枕京畿嵩行環  
峙太河經其南亦河陽奧區也唯是世遠地遷青山  
蕩爲平塋九折洪濤徙倚靡定伊洛漚澗王屋關陝  
及黑洋山水下流封實當之河屢決爲患城邑溟漭  
數月乃止又每歲霖雨數日諸水並滙自西南來滙  
滙汨汨漂漬民禾盟津以上可引河水寔灌田禾收  
皆畝一鍾至梁南北則不可灌淮泗以下 掣纜洩  
蓄以備燠潦乃朱旺以上則又不可掣焉蓋有河之

害無河之利如此左三十里曰劉光集爲淄清梁汴  
通衢右二十里曰荆隆口則兩京畿大道也一名曰  
金龍口爲南北津要省會濫隘之地稍西則中灤城  
明初兵渡河之處一望醮鹵無復沃野又稍西則爲  
于家店古于家渡也今渡口移荆隆口南北使者乘  
傳至必由之除郡城廩延二縣迎送供具外封邑令  
遥齋金携饌往從之名曰協濟往返四十里餘思有  
沛焉須飛騎馳報往來匍匐不及則以是獲罪又近  
日大人先生避謁衛藩率多徑胙城過封直抵會城  
及蘭陽去封冲疲蓋非昔比而無驛條鞭額驛站銀

千餘兩乃左用列郡封供億不知所出民田南距黃  
河坍塌北接沙毛不種十沃土居四其六則沙鹹鹵  
磽糧多民貧河復累決冲突有全村盡沒者有半存  
者有一村僅存廬舍而林木一空盡斬爲芻健者蒲  
襖力作僅贍升斗卽富者田連阡陌岑樓相望傾囊  
不能出百金厥土中■厥民貧而寡蓄婚喪田租動  
至稱貸乃民多惰窳靡轉物計督河使者輓芻乘挿  
復無虛日徃役大者在臨德起倉糧俸索金索米騰  
貴騰賤與夫牛頭種大馬戶等項調劑維艱吏滑民  
醇書美地課慳憊以反詭多端又河地時有灘淤而質

誤歲無登戒罷邑當此積弊非大爲剝剔倍加撫恤  
不可在上之人屢移他郡之差以及此邑復添額外  
之賦以益他郡詎知封民毛膚雖存命脉實枯有大  
不堪者哉封城無巨產市無千貲至倉廩殊匱舊絲  
束棄荒地若干頃前撫院曾公損餒令有司鬻牛耕  
種行未責實已而復寢今若畧倣曩昔設官佃戶田  
之驅市民遊食者盡力南畝給以牛種歲收僅入其  
稅之半其半卽以與之後弗起科得粟可無筭足實  
倉廩又革去斗級令邑人殷富者充之除輸貯正數  
外隨其豐歉俾自得出入數歲量增其粟登記入簿

倉吏一人監之以防侵牟則倉役免賠朽爛而粟亦  
歲增可備荒歉凡此皆民牧事而非請決則亦不能  
行至種馬歷年既久類入條鞭一體例派無跡今斷  
宜復還彼處不然封靡澤藪芻牧駒馬復豈堪用宜  
另擇如古汧渭可孳牧處寄養蓋封邑別無所出唯  
是堅城重堤足避兵革蔽梁衛捍河患乃兵防則又  
全無可恃今議依司馬鴻及明初視地稍制民兵計  
地上甲卜三等約用其家三人或二或一春夏業農  
秋冬治旅所謂兵隱於農吾民卽吾兵也外是縉紳  
任官守禮恂恂儉質一如寒素士風端愿負氣徑直

任拙守貞氣習不變於古壯爲纖鬻力田自給苦於  
治生成涉遊惰近稍有潛心下帷延師講學此亦窮  
而將變時也若夫邇來宮室之漸侈也女妝之漸富  
溢也饌饌之漸豐也屠肆之漸煩夥也婚葬之漸崇  
繁靡也則省會之漸流在司風化者折中而抹其敝  
又獄袴之未盡減也吏役舞文之未盡戢也孤寡流  
移之未盡安也與夫興賢育材表閭旌節之未盡舉  
也俟履任週歲次第而究其成倅因明問俯詢謹繪  
圖條畧數端具覽外俟詢訪備悉民情土俗再報

詩歌

封邱感懷

滄州高適

諫議大夫  
封渤海侯

我本漁樵孟諸野一生自是悠悠者  
乍可狂歌草澤中寧堪作吏風塵下  
祇言小邑無所為公門百事皆有期  
拜迎官長心欲碎鞭撻黎庶令人悲  
悲來向家問妻子舉家盡笑今如此  
此生事應須南畝田世情付與東流水  
夢想舊山安在哉為師君命日遲迴  
乃知梅福徒為爾却憶陶潛歸去來

登城北樓

北樓西望滯晴空積水連山勝畫中  
湍上急流聲若箭城頭殘月勢如弓  
垂竿已謝磻溪老體道猶思塞

上翁為問邊庭更何事至今羌笛怨無窮

封邱道中

范至能

西北浮雲捲暮秋太行南麓照封邱  
橫峯倒嶺知多少行至燕山翠未休

平邱懷古

劉昌

提學  
副使

平邱盟會屈王臣歎息中原委戰塵  
千載夕陽空霸業一川秋色盪河津  
韓馮古樹枝連理高適新詩筆有神  
驄馬徘徊又西去欲從何處問垂綸

咏青陵臺

李義山

青陵臺畔日光斜萬古貞魂倚暮霞  
莫許韓馮為蛟

蝶等閑飛上別枝花

挽青陵節婦

劉丙監察御史

連理枝摧不復生鴛鴦一去杳無踪塚頭猶聽朔風  
叫疑是當年怨未平

百年恩愛自相親誰料紅顏翻誤身泉壤不必頻怨  
念青陵今已化爲塵

青陵臺

伊陽高信監察御史

戰國韓馮有令名至今夫婦死如生但知結髮恩情  
重不顧康工富貴榮連理樹生旌節義雙飛蝶羽衣  
黃誠可嗟西氏空歸楚不及青陵土一坑

題翟母墓

明倫彙編  
孝行典  
題墓

一飯恩成便有封至今高塚勒遺踪九原羞殺淮陰  
輩尺土誰酬百戰功

題百里嵩

使君到處沛其霖德政昭孚信有神鄭衛遺黎殊  
甚澤民何處覓斯人

咏宋安孝友

廬陵楊士奇大學士

一詞孝友同天性爲愛封邱三鳳凰不見王家祥與  
覽千秋簡冊有餘光

行張公堤

桂林包裕按察使

高岡誰築障長河綠樹陰濃掛女蘿舟楫四來通扼  
塞柔柔千里自芘莪勿誇杭郡蘇堤羨莫道龍門禹  
跡多贏得兒童音語好張公堤喚隔林波

寄袁公社倉

錫山邵寶

按察副使

許下相逢說義倉使君恩誼固難忘從星自可占風  
雨在野還應憶廟廊千載芳蹤追卓魯一邦奇蹟介  
嵩行從來我亦曾作郡幸覩封邑倍有光

感歲歉湯民租

姑蘇徐恪

巡撫都御史

征驂初發道途長風景撩人多嘔傷夜雪堆時山盡  
老河流過處地皆荒柳當官道鳴寒吹鴉聚平原隰  
夕陽見說民租當賜牛不應在在有逃亡

寓釋迦院作

陳寬

監察御史

野寺停驂日未斜方袍圓頂屬僧家四邊有路皆成  
水百里無田盡是沙鷄犬不驚民少訟絃歌滿地懸  
多花封印令尹賢如許好整青驄待聘麻

將兵封印破賊

無錫秦金

參政

仗節驅車冒險屯中原童叟半消魂天兵忽爾雷霆  
下草寇突然狐兔奔烽火數村連白晝劍聲終夜繞  
重門百年還享昇平世猶愧書生設策勳

贈宋參將克敵

總領貔貅下帝京腰間寶帶照人明一封鳳詔兵威  
重三尺龍泉賊膽傾榻外肯教人斲睡掌中坐使是  
氛平停看奏凱班師日彝鼎爰題吉甫名

封邱遇雨

臨穎賈詠 大學生

和氣春雲九閣陰郊原隨處望井霖兒童行禱皆持  
柳鶴雀飛鳴盡出林一雨頃看回萬物三農何啻得  
千金誰知司牧憂民德果契生生大造心

封阜阻雨

山陰蕭鳴鳳 提學副使

暑雨黃池北行臺暫息勞荷獨渠澗決開卷篆煙消  
歲歉防殘寇秋成望稗苗願操元化手隨劑酌天瓢

秋日謁秦公生祠

無錫王英 監察御史

沙霧當年收亂畧乾坤此地看公祠寒城頌德流風  
近秋路驅塵駐馬遲草際碑存河洛潤天中口送鳳  
凰儀崇楮未展遺思劇攬轡高雲愧獨知  
黑山東下水如潮曉傍祠門綰王鑣野老尚能陳往  
事秋襟何啻挹竒標河邱勲蹟晴空麗洛社耆英故  
國遙秀野堂中神署裏欲馮江鴈寓芳謠

挽吳節婦

胙城李侃 舉人

皎皎冰霜節甘心自縊亡名垂千古重骨染九泉香  
樹冷花重發邱寒草自荒古今無覓處拭淚寫新章

題吳節婦塚

邑人韓鑿舉人

志操同金石何妨一夕亡相舟無少玷桑柘有餘香

累牘珠璣環邱草樹荒棠花與連理雙美煥天章

磨臍潭

高士 庵生

積水虛涵一渚秋中揚外抑異常流波光激灑黃沙

淨雲影輕盈皓月幽濡露蕪葭增潤澤忘機鷗鳥任

沉浮江湖念切希文遠四顧踟躕意未休

中灤夜雨

建業楊壁 八景詩

九五龍飛自江左三千虎賁搗燕京滿天雨露望中

土一旦雲霓慰此氓信是赫聲動河許盡驚時雷發

軍營夜深起向轅門望劔氣衝霄星斗明

磨潭秋月

地面平開四望傾磨臍形勢此中名玉波含霽澄然

淨金兔窺潭分外清樹曳源烟澄夜氣風飛幽籟散

秋聲高情靜對渾忘去欲向鳧鷖一結盟

青陵古樹

青陵臺廢幾千年息氏雙莖還依然追笑宋康徒悵

望俯看蝴蝶自周旋生平高節存榆柳不朽榮名在

簡篇古樹凄凄鳴鳥鵲猶疑精魄住林前

黃池芳草



堪嘆夫差爭主盟，霸圖寥落水東傾。千年遺跡餘芳草，三月韶光鳴乳鶯。珠浦青氈團露細，徑鋪翠褥襯車輕。莫將舊事牽心府，且放愁懷付酒觥。

封父舊亭

聞道亭由封父營，到今遺址近荒城。歷朝錦殿全無跡，此際閑亭尚有名。千古雲烟常聚散，四時花鳥自分明。應知今昔同清賞，獨抱瑤琴對景鳴。

翟母遺墓

英雄困餒正倉皇，篋食恩施肯便忘。孤塚人傳梁翟母，古城名起漢高皇。一飯餽餉情偏厚，百戰功勳報

獨涼玉食萬邦應，有自韓彭遺隴竟何方。

淳于曉鍾

淳于村落曙光清，到枕悠然何處聲。夢斷忽驚蝴蝶散，聽餘祇覺蒲牢鳴。隨風裊裊飄聞思，雜籟蕭蕭動旅情。誰識常鳴不平意，却疑南郡有山傾。

翟溝晴波

綠水平鋪一鑑張，波文細細颺晴光。誰誇織女能工巧，自信飛廉喜鼓揚。清淺浮空搖翡翠，翠澄虛落日炫文章。時將蒲劍輕飄拂，觸亂魚叢與鴈行。

中灤夜雨

洛陽李尚真 教諭

一代昌期自有奇機關默默幾能知西湖縹緲龍文  
象南土飛揚露布旗

渡河卽事

與國吳國倫 參政

黃河新水漫平沙一葦中流四望賒三晉天隨波震  
蕩大梁堤築岸橫斜尋源未遇支機石奉使何如博  
望槎來往不辭津路險北風回首鬢雙華

題黃河詩

高啓

黃河水西來一折一千里四折東流歸渤海渾濤  
浪深無底舊傳一清三千年聖人乃出天下安河  
六之清一何少吁嗟至治何由還我願河水年

人在上聖復生千齡萬代常太平

巳堂卽事

胡以祚 知縣

幾載遺編探古今誰從宦海逐浮沉箇中眼底  
興惟有鶴音續短琴

又

長日森森槐洒庭幾回天籟樹中生午衙低報鶴聲  
斷一陣南風滿座清

春日勸農

輕塵漫逐馬蹄飛拙令烏紗點夕暉老稚歡迎填巷  
合杏花村裏勸農歸

中灤夜雨

八景詩

張鯉

竹箭三門送急湍平收烟水上中灤干戈一怒飛雄  
蹕風雨群霧避灌壇戍色曲連沙柳靜籟聲遙度野  
花寒昇湖龍去綿瓜賦王氣千秋直北看

磨潭秋月

金孳入望迥生妍潭月交光盪影鮮壁擁圓沙鷗點  
雪鏡懸浮荇桂爭烟黃羊照後吁多怪赤鯉乘來  
幾仙我自鳴琴慚宓子只憑古調寫清緣

青陵古樹

短樾陰陰蔓草芳陵臺無影度斜陽連枝恨似公  
塚接翼魂猶笑宋王若有人兮依薜荔長令祭者慕  
鴛鴦請看沁水洋洋詠不是烹魚定食魴

黃池芳草

力鑿江淮戰艦通夷光猶貯館娃宮好冠可憶雙  
鏃慶懸膽應收二隧功鷓鴣鳥不聞王系解束牲無主  
圖空黃池自是中原地麋鹿蘇臺未許同

封父舊亭

驟日驚波去不停何年神鼎鑄精靈從刊丸旅開群  
版只剩孤亭空遠堦林入春姿邀鵠鵝沙浮晴色上  
簞篁一遊一豫真侯度夏諺于今尚可聽

翟母遺墓

蹙項中原未寢兵，莫因雲氣識炎精。可知祠母酌分饋，始信封侯請。憂羨里社維馨，存歲祀松楸無恙。避春耕王孫當日扶龍準，漂絮淮陰共擅名。

淳于曉鍾

曉樹熒熒綴露珠，霜鐘裊裊落星衢。疑鏗逖寺飛寥沈，却鎖蟠岡殷鬱紆。田畷何須催襍禡，方祗莫自奏淳于。天中撻是陰陽會，氣籥遙通地籟殊。

翟溝晴波

走上青堆俯翟溝，纖蘿不動水天悠。寫將匹練叢花

影分得滿雲，摩石流遂引鳩鵲來。卜宅祗憐烟月憎，架舟可堪作吏躑。南畝高適風塵宛，息愁

題劉昂義門

張守旌監察御史

六世同居世業滋，張公一恣豈吾欺。厨中擬定尊卑飯，架上誰分爾我絲。十里鍾聲隔岸起，百金釜燭掩旌移。朝廷指日丹書至，特表嫺懿處處知。

中灤夜雨入景詩

王策知縣

聖主恢乾步，山川胥效靈。順師此聚壁，夜聞浙瀝聲。初疑將雨玉，終不似淋鈴。照營餘孤月，拱北見群星。人意快吹籟，天心黑洗兵。中灤千古異，別自有陰晴。

磨潭秋月

秋潭一鑑開洞欸平如砥何物實其中兀似磨臍起  
得月此先明揚波終不徙烟歛尚復連冰凝更獨特  
試方君子心中立固如此

青陵古樹

獨上青陵臺俯眺青陵樹霜色飽勁條春情密芳樹  
鴛鴦何所棲蝴蝶還自舞張羅者何爲沙蟲同朽腐  
矯矯墜臺人生氣存今古丈夫列鬚眉可愧紅顏女  
黃池芳草

春色滿黃池細草和烟碧放犢牧兒聞緩騎王孫惜  
一自霸圖空千載成陳迹遺矢鐵未銷刑牲豈猶赤  
何代無英雄意氣同歸畢

封父舊亭

驅車出孤城輒就封城懋問俗樂古風勸穡忻豐歲  
父老猶能言結亭人已逝雲影覆頽廊苔色綠荒砌  
讀碑淚欲流拜棠思所稅民心亦何私感之在慈惠

翟母遺墓

漂母識王孫翟母識漢主一飯雖云微提携出困苦  
生則酬千金死而封杯土始憶屢羨人賢愚難共數  
獨嘆龍蛇遊燔林報割股

淳于曉鍾

村落散鷄犬曙色半含晴入耳何所似蒲牢泣桐鯨  
啓明竟無爽於倫定有靈隔雲猶隱隱赴壑豈鉤鉤  
攬夢成大覺催農率早耕未須疑幻妄鳴山亦此聲

翟溝晴波

黃河自天來翟溝分其派渟滯抱孤城曳練環如帶  
浸月漾金波涵雲團飛蓋百里濶以沾一晴資所溉  
沉璧謝狂瀾燃犀見鱗恠自閉止水心與之同清泰

中灤夜雨

用前令張鯉韻

余縉知縣

虎旅長驅濟滹沱洗兵河漢下中灤烟雲早噴吳天

氣風雨驚傳大將壇野戍陰深刁斗靜荒城月白

寒蕭條勝蹟印墟盡左右嵩行眼倦看

磨潭秋月

水池寒碧自生妍搖漾秋蟾桂魄鮮午夜暉飛金  
鏡長空霞照玉吹烟冰壺孤映瑤臺客娥杵光傳  
望德兩鏡相濟誰上下水天一色共心緣

青陵古樹

一掃名軀萬古芳青山白石共秋陽新臺空賦無嬌  
翠袖恨相傳有辟王木末愁棲雙燕蝶塚邊哀叫兩  
鴛鴦可堪金石銷沉後莫辨清流鯉與魴

黃池芳草

葉飛蘭舟河海通誰將花草植吳宮三千犀甲摧雄  
壁一劍魚腸殲首功國相自屠君氣墨美人難得寫  
談空池邊碧草今安在茂苑萋萋卉木同

封父舊亭

縱轡蕪城策未停填眸榛糶慟生靈衣冠自古傳工  
魯亭落於今祇廢堦魚鳥浮沉同鹿豕柳蒲蒼翠類  
松篁閒尋封巒行游地牧唱樵謳不忍聽

翟毋遺墓

京索相持困短兵饑逢簞食豈期精王孫偶依阿  
祭帝子家冷媿櫟羨古井旱時常用汲墓田蕪處動  
為耕只今邱隴無封樹猶勝投金瀨水名

淳于曉鍾

斷阜連崗類貫珠聲來窟室達天衢似鳴萬石銅龍  
遠却震千家夢蝶紆拈地何年移雒下談天空自詫  
淳于於今欲辨農興候乳鵲啼鳩節令殊

翟溝晴波

碧濤寒影盪花溝柳色銀塘風日悠喜雨鷓鴣眠澗  
水弄晴鷗鳧狎新流浮生徒戀三升醞泛宅誰飄一  
葉舟數點菰蒲漫青翠河雲渺渺莫勝愁

感懷

僕本東海狎鷗人山麋野鹿全天真誤懷五斗踈三  
徑一官六載常浮沉村居茅屋苦風雨几案黃塵高  
尺許登臨每欲趨長飈飛逐帆檣向東舉江南春暮  
多白雲白雲江上春樹深家山只在雲深處夢隔雲  
山常幾岑秋風欲遂東籬志掛冠投劾非輕世檻索  
籠鳥揔自由寧若枋鳩展其翅敝裘緼褐長相隨若  
茶吞藥慎莫悲古時高令問妻子僕今無家將問誰

青陵臺

宗錫印

日暮斜陽繞素烟青陵臺上草芊芊去風山畔張

緜夜半枝頭叫杜鵑連理並生問兩塚孤心獨照自  
千年漫言芳烈已塵土逸史猶傳烏鵲篇

苦水行

邑人萇孕秀進士

君不見河陽兵馬多如雲人心此日憂如焚弱肉強  
食不堪命誰向

天闕叩登聞春夏不雨井生煙流金焦石山欲焚旱氣  
塞空水無力祝融反奪玄冥權秋來日夜玉虎鳴石  
尤風起天帝驚列缺閃爍暗且明劉城簫鼓不絕聲  
欲刺黑蜮無鈿刃欲射石燕無飛蟲石燕黑蜮誅不  
得永霽涔涔何時息洪河乘此勢汪洋長堤一潰不



可當波濤萬頃怒且狂咫尺樓船帆與檣已見鼉鼉  
隨浪舞更聞馮夷夜擊鼓鱗魚不在海靈胥不在江  
齊助此河之奔騰而吞吐仲起不知司何事陸地盡  
變爲水府斬蛟無復見楚飲豢龍何處覓董父余聞  
河源出崑崙道經葱嶺日東溲胡不順流入滄海逆  
漲倒翻日月昏安得長鯨溟外來一口吸盡黃流迴  
普天率土樂春臺

磨潭秋月

萬泰 進士

外坦中高一鏡圓每逢秋爽月娟娟金波蕩漾搖晴  
夜玉浦晶熒接碧天野曠清暉潭可掇林疎瘦影亦

堪憐世間何地無靈勝謾向蘇門誇百泉

翟母墓

齊椿齡 訓導

何事英雄亦苦饑每憑天相出貼危白蛇當道無人  
識赤帝乘龍有姬知表墓只因遺餉日封侯應恨憂  
羨時至今遇早籲賢母不數淮陰漂母祠

封父亭

張民表 舉人

小邑城門畫半扁河雲飛白樹煙青杯酒未覆行人  
過顧見當年封父亭

蟲牢

蒼茫平野轉河濤考古人傳霸業高晉楚功名流水

去却從樵牧問蟲牢

平

虎祁朝罷為齊犧盟主尋盟用武師苦弔平邱無處  
所荒榛猶閃晉旌旗

黃池

夫差驕僭小中原入會黃池謂獨尊玉葉不垂青酒  
盡惟開二隧放歸魂

弔青陵臺

邊之靖 舉人

青陵人去已千年芳臭流遺世並傳勝景惜悽人墮  
淚烈名彪炳死猶延臺高爰豎揚旌壘鳥去何緣識

黃池

黃池

黃池盟

黃池浩瀚接平沙一派嵩峯入紫霞帶礪河山盟自  
永王侯牲血主誰加青松漫指搃千澗碧草空憐遶  
萬家形勝中原此輿阻沼吳安見有夫差

封父舊亭

陳邦卿 庠生

封父亭前萬彙昌夏家曾此裂封疆帶河礪岱千年  
久鐵券金章百世長鳥韻風柔聲曉皖化香雨細氣  
芬芳登臨感慨前朝事紅日西沉碧水傍

青陵古樹

邑人張瑚 廩生

菁葱玉樹鬱平原想見當年正氣存自是有心能共  
節何妨異地不同根鴛鴦彩拂風前羽蛺蝶香飛月  
下魂情事於今說不盡徒聽鶯語到黃昏

秋日入城懷古

邑人張國範 庠生

寂寂孤城卧晚秋寒風落日憶層樓三軍霸盡黃池  
水一飯恩遺翟毋丘明月干戈疑夜雨青陵鳥雀動  
人愁百年幻事憑誰問目斷黑山何處遊

青陵臺

邑人李承統 廩生

岸高豈不墮無恙青陵臺物換宋郊野代閱秦劫灰  
貞魂酸杖杜涼血然蒿萊日暮歸飛鵲何曾傍此隈

挽青陵臺

錢唐孫子良

古來烈婦非一人韓憑之妻尤異聞不願康王富與  
貴但知庶人夫婦恩妾顏如花復如玉妾身不受宋  
王辱宋王築臺徒爾瞻南山歌竟還自續奮身取義  
向夫前亦知夫妻恩義堅揮劍自刎誓同穴宋王不  
容良可憐夫婦英魂終不散化作鴛鴦時復見悲鳴  
長繞連理枝行人聽之咸嘆羨青陵臺上春日明青  
陵臺下春草生宋王去後不足論惟有死箴留其名

又

嗟哉古韓憑有妻顏如玉宋王欲奪之百計勞心曲

乃築青陵臺朝夕寓瞻矚矚之意若何恣意騁富足  
柰彼心堅貞誓死弗受辱作詩寫衷情自盡命何續  
夫感結縈恩哀哀愁思鬱拔劍亦自刎擬葬同穴麓  
詎意宋王與兩塚各安厝不使遂厥心不令從所欲  
英魂恨豈休靈驗徵諸物墓產連理枝上下交盤覆  
魄化鴛鴦禽來往相悲哭見者興聲嗟聞者增額感  
匪但敦薄夫良可勵堯俗臺基至今存行道猶拭目  
我來觀民風撫卷三嘆服謾續前人歌聊以紀行錄

悼韓憑

一  
青陵臺下飄赤葉美人化作雙飛蝶當

淫何以人君李臣妾阿君辱已豈良臣婦死夫存亦  
忍人君臣夫婦兩俱失丈夫所以輕其身君不見海  
翁機心著鷗鳥各遠飛王家重傾城賢人解綬歸宋  
主苦憶如花貌高臺崛起凌蒼昊此臺豈是一朝成  
嗟爾見機胡不早

悼息氏

青陵臺傍宋宮闕宮花禁草逃蝴蝶婦人有身不自  
由昨日臣妻今君妾陽臺亦在楚江濱中有朝雲暮  
雨人妾身自是良人婦莫以陽臺視妾身君不見天  
邊有鴻鴈雄雌不亂飛何如結髮恩不如鴈同歸瓊

樓紫殿雖云好，恐處容身媿。蒼昊長江不洗楚臺污，  
妾謝青陵定須早。

次韻

邑人高云漢

知縣

連理枝頭敷翠葉，青陵臺下飛蝴蝶。英風感化消芳  
魂，舍人韓憑與玉妾。韓憑素矢不二臣，安肯懷二妾。  
狗人振衣拔劍天地小，扶持網常自殞身。君不見，睢  
鳩水中鳥，關關常相飛。堪笑楚芊建束手，縱婦歸縱  
婦歸兮孤花貌。平生萬古媿蒼昊，宋王楚王兄弟國  
行如犬彘死未早。

挽吳節婦

妾家住在封邱曲，嫁得良人如冠玉。良人長年好詩  
書，寒暑慙懃下帷讀。豈期一疾竟長眠，胡彼蒼天奪  
命速。琴瑟吁嗟忽斷絃，縱有鸞膠誓難續。歲月慙慙  
容不整，新粧洗却鉛花冷。機中錦字掩輕塵，鏡裏青  
鸞吊孤影。女蘿莫附空斷腸，自恨此身猶未亡。寂寞  
深閨資紡績，玆然竭力事姑嫜。一朝母氏將奪節，卒  
爾聞之淚成血。愴惶落日走夫塋，素練高懸縊林樾。  
林樾英魂疑不散，薄暮愁雲靄靄見。驚聞遠近聚來  
觀，梨花淡淡如生面。嗟哉此婦正芳年，取義捐生媿  
瓦全。吾鄉旣羨韓憑婦，載筆無慚太史編。年年高塚

逃宿草生順死安兩得好碑銘誰爲曹娥鐫贏得芳  
名天地老

新城眺望

邑人李日敬通判

君侯磊落抱雄圖聳壑昂霄起大都山中霧雨一輝  
豹變化早已登文籙十年一劍射光芒結綬彈冠到  
豫梁胸中經緯三峽水筆底風雲捲太行報政已獲  
循吏譽更思捍衛壯金湯仰觀九關衛元霄萬斗千  
辰不動搖天門營星光炯炯賁庸佳氣應吉爻我侯  
腹內有全城更兼天意助威靈卜日鳩工禱后土欲  
鑿雲根建大功剖石燔灰白雲堆大陶萬座威巍巍

婁光墨兮翰督繩巧刀鏗音響如雷我侯時來戒勿  
亟庶民歡呼若鱗集揭碑負石不知疲趨者繩繩怨  
自稀高墉立就匹秦關晴空霧靄歸雲烟始知鳥道  
可移來萬堦崢嶸賽登巒易言天塹不能升我侯創  
此爲蒼生敵樓四駕接天語只恐滕王賦未工君不  
見西伯臺如子來臺成靈應頌嘉祥折骨絕筋不怨  
傷又不見蘓公堤萬里垂堤成數郡不魚鱉贏得當  
年說口碑追思徃古亦如今我侯峻惠孰能倫一邑  
安枕慶無虞難將糜草答深恩一祝福山斗駢臻臺  
閣速二祝祿多男預兆萬鍾粟三祝壽松柏不老

陵厚話言難寫報君心  
還期俚歌達楓宸  
偶然吟墨忽長嘯  
揮毫滿紙上神君

題耕野亭

邑人張上澤

黃池西南一里許  
負郭膏腴邊氏田  
奕世由來墮  
培幅頓阡陌  
萬家傳至茲  
陸季孝廉君  
昆玉時燦畫  
手神鵬鳥  
六月時息翼  
忽值萱堂棄  
絕人成南年  
少尤篤禮  
欲廬墓側  
情難已有  
椿堂上亦若  
何無奈時  
省時舉趾  
親識恐其  
志體灰  
食欲有言  
慰其懷  
邊是築園  
圃青黃碧  
綠任其  
栽中構一  
亭名耕野  
一云商尹  
有莘者本  
來面目  
盡藏之  
庶幾不  
在他人

時

翁吾爲吾亦若斯  
嗟嗟丈夫壯志  
自是年破  
藩彼  
施名實全莫言  
此日止區區  
要知他年  
實之園名獨  
樂高駢之樓  
號迎仙張建  
封之題名  
子韓退之之  
高雲見端  
詎日漫無  
軒輕畢竟  
可同  
共觀其尚  
味乎斯言

封邱縣志  
癸酉渡河封印續

尚書 盟津王 鐸

紆道遲三日北征渡森溟壤辭梁茹鹵蓬卷宋山  
思弟傳新凡磨刀視古銘何堪擊楫意漁唱

封邱縣舊志跋

封邱縣志成文獻自是足徵而道因以不墜何也志  
有大書特書正例變例或以崇嘉獎或以昭鑒戒而  
善善惡惡之道存乎其中是故嘉獎崇則人心奮勵  
而樂於爲善鑒戒昭則人心驚惕而憚於爲惡微顯  
闡幽之際轉移化導之機也風俗日厚治化日隆有  
文以載道而獻以傳之邑治斯永道斯不墜詎非是  
志書法之備立制之嚴爲之維持也哉封印之文獻  
自是足徵矣

嘉靖辛丑冬十二月封印縣知縣朱縉謹跋



邑之有志猶國之有史也。史固不可無志，獨可無乎？  
嘉靖辛丑夏，邑侯晴峰朱公蒞縣，首慨邑志舊闕，政  
體有乖，無以垂教。迺謂鄉士大夫，輒集修訂，以立政  
教之基金。議克諧，遂屬同寅懌陽熊先生暨近光備  
修集之數，迺搜修之數，迺互考訂，或採諸史以摘其  
實，或究之列傳以定其疑，或博之通儒以盡其辨，或  
折聖經以會其極，然後疑者缺之，而弗書信者存之，  
而弗削及數月，志成，摠爲四卷，綱舉其要，數分三十  
有八，日備其詳，大小不遺，巨細畢舉，信哉其體，膽其  
具文，蔚無愧良史家法也。嗚呼！是作也，匪直可

一風一時，是固可以風百世已志，不猶夫史乎？昔紫  
陽朱夫子出守南康，甫下車，卽以郡志爲問，識者至  
今高之，以其知當務之爲急也。晴峰先生始至，封印  
不遑，他務惟以修訂邑志爲先，蓋亦有意存焉。誰謂  
政教根本不賴，是以維持耶？因備錄之，以俟觀風者  
採焉。

封印縣儒學訓導興寧黎近光謹識

邑有志者，記一邑事也。猶國之有史，不可闕焉。爾晴  
峰朱公蓋嘗修之備矣，無可議者。今立亭，胡公復修  
之，何也？慨志刻既久而政績繼出其間，不能無增益

者弗爲紀載事實脫落何以傳後不爲缺典耶遂命  
尚賓與認并希庶暨門士光閭繼芬輩搜羅往迹詳  
考時事增益其所未備雖非遷史庶幾爲一邑之全  
書矣百世而下俾有所考是固立翁修志之深意也  
賓於是乎僭書

萬歷二年孟夏封印縣儒學教諭洛陽李尚賓謹跋

封印縣舊志跋

重修封印縣志者其意若何蓋與文獻足徵諸往  
以詔將來也自萬曆乙亥立亭胡公宰是邑曾修志  
迄今四十年矣第歷歲既久蒞茲邑者及邑中人若  
氏事蹟續出者宜繼載且時事屢更舊志又多疎漏  
儻弗重修奚以信今而傳後翔溟張公來宰斯邑一  
廢俱興且世襲史學遂以修志事自任王公少方主  
又通儒也其裁訂而潤色之而邑人罔鄉南翁邊公  
家藏典籍歷歷可考亦雅意修葺欲及其身親見彙  
所耳目睹記者入帙絕無附會假藉等敝厥子孝

成南博綜經史旁逮齊諧虞初之所誌靡不該覽又  
足以繼志而述事乃協諸邑中縉紳博物廣覽者  
修之增入者十之四三踰三歲而志成焉其事備  
情信其義核其文炳彙次分類各有體裁自是文  
足徵可信今而傳後已愚際斯舉實有當於心者  
敢出僣言以表重修之至意云

封邱縣儒學訓導陸洮州衛教授西夏齊椿

封邱縣志後序

以天壤間而有封以數千百年之封而有今日尚可  
志乎無可志乎夫作志盛事也亦樂事也使邑有名  
山水暨賢士大夫比廬聚處相與蒐討古今網羅遺  
軼彙成一書於以垂金石光琬琰詎非有生之快事  
哉顧今日之封斗大蕪城湛諸河伯吏保三家村猶  
蟻附於芥數椽蕭蕭上雨旁風弗蔽罔載籍廣哀之  
藉矣邑素無佳山水而陵谷代殊一邱一壑之觀亦  
復委於灌莽叢棘鮮登臨選勝之區矣鄉先達士大  
夫舊皆城居河患後室廬蕩然流寓外邑者歲久漸

成故業不克旦夕自拔歸里長吏仰止雖勤無復時  
集講求之裨矣職是三者而封志奚以成然今日之  
封雖聲華名物無足登諸簡冊而災患疾苦艱難凋  
瘵之狀則聯編累牘未可殫悉不一志之則將來席  
昇平享清晏者以爲事由舊章罔所損益里巷耳食  
傳訛吏民師心億中舉凡政刑典禮風俗名賢之類  
皆湮沒不傳後進卽有稽古之志而世彌遠事彌軼  
其孰爲考衷得失之林乎然則志今日之封者卽以  
志昔日之封與後日之封也奚可闕歟然竊按前志  
有自邑令叅訂成帙者大率因人文之聚積歲月之  
久引經掇史分題標類哀輟以群英裁成以名碩而  
後刪補潤色了無餘憾未有處無人之巷張一目之  
羅繩晷刻漏以簿書吏借二三修士遂可從事撰述  
者乃縉不材筮仕茲土適坎珂若左幸而村落闐然  
罕長者車轍才處一身無庸爲妻孥衣食計日午吏  
散輒焚香晏坐頗有閱書之暇而見聞荒陋素弗諳  
典故諸雋彥名流咸播遷遐阻無晨夕聚處之地故  
茲邑乘雖奉

憲檄嚴督尚踰年始克成草而踈畧掛漏之譏悠謬荒  
唐之憾知猶未免也蓋今日之封誠無可志而又不可

易志又不可不志無可志者荒殘凋落蒿日撫心也  
不易志者人文渙散彙集維艱也不可不志者欽  
憲德之高深續前賢之將墜表明往蹟垂示來茲於以  
信今而傳後也然則謂九州之志唯豫爲不朽而八  
郡之志唯封爲實錄也奚不可哉

順治己亥歲孟夏月河南開封府封邱縣知縣古越余縉謹

封邱縣志 續

藝文

封邑修城記

古董屠粹忠 知縣

封邑自壬辰波臣爭居處魚宅郊垌民爨隣社官司  
寄於鄉而復隍之修日不暇給云辛丑春予受令蒞  
茲土於都門謁柱史余公請所宜先庶可以無過者  
公前令也鼓予復城予唯唯而心竊疑之封邑與他  
邑異旣淹之封邑與未淹之封邑異榛莽未芟而室  
盡罄懸狐兔竄處而署鞠茂草則何恃而易言城旣  
思踐厥土不謀捍厥民何賴令車驅之弭節入城師

箕箒故智披荆棘而居民不給爲授若屢資若材而  
邑之人亦竊竊然疑之且危之城中落落數戶如殘  
星晨月適旋師過邑民爭襁負而入始有百室寧止  
予議曰是不可以不城而邑之人又竊竊然疑之且  
難之謀之鄉先生諸衿庶僉曰如費何予曰否否捍  
禦之謂何顧安所謝愆然不可以費公費公公弗許  
也亦不可以病民病民民弗應也無已則借丞若尉  
相度舊圯見纍纍敗甃猶露淺土中予曰是可以城  
爰與父老約鳩得六百人奇於土濬甄於石煨灰量  
人授工計日課績遠近競勉焉從事踰月而告竣於

是曩之疑者茲且樂成曩之危者茲且傾心曩之難  
者茲且將伯以助有成邑之人始忻忻然喜相告曰  
是役也若神鬼輸運者請貞諸石俾後之人知侯之  
心瘁力艱且告成且夕若是予曰否否夫曩爾邑而  
役吾民澤門之謠可畏也抑歲已寒而役不休長康  
之歌可畏也乃勤勤不加督而觀厥成予來之誼是  
在爾等予何力之有則是役也非以稽功聊以謝過  
云爾事始於辛丑十月旣望竣於長至之日

重建文昌閣記

邑興而祀學學與邑同盛衰者也學興而祀文帝文

帝與吾夫子相主輔者也顧邑有盛衰而夫子之道  
斷無或廢卽學有盛衰而文帝之祀亦斷無或廢封  
邑自壬辰蕩析以後亦幾幾衰極而欲廢之時矣子  
衿抱經而遊于隣瞻拜聖顏茂草茸茸自余公縉始  
構厥宇以妥聖位今則漸次獲有輪奐乃諸生曰未  
也夫子在上而羣知學文帝在前而羣知勸有以學  
之烏無勸諸余曰是奚啻諸生意也今夫士過夫子  
之門未有不張拱以趨者也而訓言周旋之弗率是  
棄儒也故童而習之壯而論焉老而以之爲憲無不  
儼於孝弟以爲之節吾誠本天情以爲經遵人綱以

爲緯卽可踐履后土對皇天夫子許之文帝葵甿之  
哉士亦求足爲所歆者而已今者文帝之訓彰彰其  
在上可以証聖域下亦不忝爲士大夫大意不出感  
應篇一書是余與諸生亦嘗誦習之已奉其書思親  
其人者情也正今余與諸生崇煥帝閣意也於是余  
倡之諸生某某輸材若干邑博鄆先生諱元龍捐錢  
若干從而和之量材度工址則因舊壘高三仞爲濶  
五中奉帝像丹雘翬翼巋然聖廟之左諸生其朔望  
仰瞻而益勸也哉抑猶視昔之頽垣敗址已也夫士  
不知勸是亦文帝之棄儒也有以勸之其不爲墜壁

照臨者幾希行見簪纓纍纍名蜚大河以北者知  
僅今日已也是亦封邑盛衰之轉機也

重建夏侯封父亭記

封何以有亭亭何以名封父誌始也曷始乎始於封  
父也封父何始始於夏大禹時所建侯也亦分茅錫  
土之君也而不諱厥名者質也夏以前誰侯茲土不  
傳也唐虞之封建未廣也夏以後誰侯茲土亦不傳  
也古則萬國玉帛煌煌商周之際已八百也日并月  
兼不詳其入於何氏也不傳而何以獨傳封父也  
秋之時地控鄆衛韓宋間無端侯也秦則

無端侯故勿傳也逮漢高念翟母恩置爲縣始曰封  
邱夫亦不忘封父而名之與或曰漢高以封翟母墓  
故曰封邱云至宣帝以王遷決疑定策共有建立功  
始爲平邱侯而不傳平邱侯者非古也非古則勿傳  
也當禹之時河功底績天下又安而侯處茲土不聞  
煩䟽淪決排之勞非若後世遷徙拮据也雖其時地  
與河尚遠意亦於朝會天子時必有金簡玉書之秘  
得諸大禹之所傳故能使河流莫定以寧處茲土亦  
未可知此後之人不忘封父意乎而因復爲亭以俎  
豆之也亭始於封父勤勸課適遊觀也其間或遷或



封丘縣志  
廢時而陽侯出沒時而烟草狼屯至於今猶指曰此  
封父亭舊基也余承乏茲土舉舊起廢稍有成緒而  
亭之弗復其何以傳故亭之也亭初遷於縣之東今  
復移於西城而近先爲楹五以妥侯也前有亭以娛  
侯也環亭者花柳環花柳者水也總以成茲亭以妥  
之娛之也至於封之人舍耒執鞭而來也扶老携幼  
而至也猶得指曰此封父遺亭也恍以爲侯之所在  
也故亭之勿傳而侯亦勿傳矣余愚其勿傳而忘封  
始建之侯故復亭之亭之惡無記是爲記

新建大王廟記

天地之大無若水治水之大無若神禹禹受命司  
其難百於後世然攷鎖支巫祁帝命賚圭豈非以禹  
欲疏則水聽疏欲淪則水聽淪欲決排則水聽決謹  
水若唯禹所使而不敢爲虐故神之也是禹以神治  
水也後世無聖人之德而欲鮮所憑藉挾知恃力以  
與水衡則亦妄而已中州最患水而封邑尤頻今幸  
得保此蕞爾士女桑麻漸有起色者果治之之力哉  
亦神治之也於赫哉

金龍大王之神爲烈於天下也久矣忠  
宰是邑八載隄  
防之患無寐忘之今戊申之夏水流衝北官民震恐

忠

曰此非人之事而神之事也爰臨流叩首禱曰是  
 殆將重困吾民也令失德罰在令水何為顧民或無  
 良罰亦宜令受之水何為治民者令治水者神敢不  
 肅將俎豆以圖厥永乃越宿簿報曰水減尺矣再越  
 日輒又曰減尺若咫矣又曰水歸中矣夫竭忠一八  
 之思何解民困卽竭民百萬之財力亦何釋水怒乃  
 於叩首虔禱間受命如嚮豈真人治之力哉神固有  
 以治之也遂於堤為廟焉於鄉為廟焉忠曰未也令  
 與廟遠神弗協安所告虔復為廟於縣治西偏相土  
 鳩工左顧而東祀關夫子後擁而峙祀封父侯而神

龕之左則奉前治水少保朱公位也肇基於夏三  
 月而僭功時州與董正之則朱君之華為丞維揚徐  
 君玉衡為簿陳君際泰為尉與丞皆於越人乃今而  
 後神庶幾永綏吉祉奠我萬姓罔斃哉於是知上古  
 聖人身自為神故水聽之後世身不能為聖而聽命  
 於神故水亦順之卽少保公在事幾十稔亦無不於  
 神昭格故水安其位民定厥居種種寬仁雅飭遠邇  
 咸手加額曰公真神人云使唐虞之司空而在有不  
 揖而進之哉忠固知神之許公共妥乃位也爰與同  
 官偕縉紳先生諸衿庶拜手稽首頌曰湯湯河水明

明我神額之必感祈罔不申我封孔釐賴我神私正  
直是與神之聽之厥德馨香厥表孔揚以死勤事  
豆適皇顧瞻廟貌樂只無疆神具醉止萬世悅康頌  
竟遂濡筆記之垂諸永永

重建關帝廟記

古來崇祀之廣無若后稷與吾夫子而近代則有關  
帝君顧社與學之祀載諸令甲所在有司有專祀專  
則不可以或分故后稷與吾夫子獨尊而帝君之祀  
未嘗以令甲限也或分或合或興或廢無間近遠貴  
賤皆得搢牲束帛以告之則疑於民親吾封邑之祀

帝君也庶民顯蹟列諸舊誌其於民也殆親之在茲  
於今不知閱幾廢興而莫甚於壬辰之河決城垣官  
舍蕩拆靡遺帝廟故址在黃沙白葦中

忠

蒞茲土朔

望瞻拜見殘鑪敗几寥寥炷香贊呼成禮而退

忠 蹶

踏久之曰是欲親之而反踈之也事誠在令俟興復

諸事稍稍修舉始謀於邊生某曰是民意也

忠

曰民

意卽神意也亟命度材量工築故址爲殿楹者五深  
廣尺咫維稱時丞錢君交叟曰是烏無庭庭在丞庭  
而外有臺臺之址與殿埒鄉進士李君承統曰是又  
烏無侑神樓樓在統樓之外又數武爲廟門門列侍

圭丘縣志  
衛則今鄉大夫萬公化成之而督工落成則陳尉際  
泰實朝夕以焉事始於乙巳之臘竣於丁未之冬余  
因是有感於帝君之與民親而感之易故成之易也  
夫他邑之於帝廟增葺而已棟宇無恙也丹雘而已  
冕服如故也乃封邑何如第不知今日之廟視昔時  
有加否要以親帝靈而酌神貺庶幾在是故曰帝如  
鐘鏞遠邇攸同又曰帝如日星與天爲經是當有不  
擇地不擇人不擇興廢而赫聲濯靈如一日者則是  
廟也爲封令之專祀可爲邑士民之公祀可其於后  
稷於吾夫子亦輔車之輻而支河之於海也謹爲記

心水亭記

滁之醉翁岐之喜雨皆古之亭而以記傳者也非傳  
以亭也其亭之人足傳也亦非傳以人也其人與亭  
之文足傳而亭亦藉文以不朽也然則非其人非其  
文而烏乎傳雖然古今人不同而適情則同文之工  
拙不同而記事則同亭亦何可無記亭始於城工告  
竣署舍粗理之後側有隙地舊園址也爲剪荆誅茅  
構亭其中環之以池顏曰心水不數武而恍恍雲壑  
備焉復植柳藝菊紆迴曲徑青紫映澈登斯亭者鄙  
吝爲消殆啓予飲冰茹蘗之思余綜理之餘亦踞床

揮絲歌烏烏而鳥聲若和客有嘲者曰荆榛初闢桑  
麻下詢者公也耽情遊觀者私也先憂後樂曷審諸  
余曰否余承乏茲邑民安余拙余亦樂民愿而又慮  
此稔案少文牘余心安焉庶幾可以退省者此亭也  
然洛中名園若叢玉披風漪嵐夾竹則富鄭公安定  
社稷後也而此無其勝澆花種竹釣魚采藥則昔之  
迂叟結竹杪落蔓草爲之而此不敢儼實不足以  
李文叔云洛陽之盛衰侯於園圃之興廢而得余  
今平邱之盛衰亦侯於官署之興廢而得當渡區  
處此土也城郭且爲敗垣何有於官署今幸與民結  
拮勞來克安集茲簿書無紊催科不擾余無過於平  
邱亭亦何負於平邱哉客曰若然則宜名曰歸鴻如  
宋廖願之守化州取民歸安集之意不亦可乎余曰  
否民已安矣已集矣所慮不在民而在蒞是民所當  
退省者在余而余之退省又將在亭登是亭也猶然  
飲冰茹蘖之思也夫則余名斯亭之意也夫

詩歌

封父遺亭

何處荒榛問舊楹一亭重闢子來成蘋蘩烟冷人千  
古歌頌春深鳥數聲作賦每懷定賦日構茅猶是裂

茅情應知化鶴頻歸後柳綠花新分外明

黃池芳草

拂拂捨旗舞翠茸廢興一望柳陰濃駿蹄飲罷歌黃  
竹牛耳爭先笑墨容憶舊王孫霜刻後尋芳牧豎鴈  
歸重半塘碧水連沙瘠試問雄風得再逢

青陵古樹

嶽嶽孤標土未刪芳姿流恨在沙灣妾心原種鴛鴦  
樹君力徒開雲雨山苦月遙憐懸白壁清霜長駐伴  
紅顏莫須彷彿尋連理魂並湘波已不還

崔母遺墓

巾幗能青識帝眸一餐無意及銘丘沐猴尚爾沉舟  
釜逐鹿誰兮風馬牛天雨墓田留麥飯人採沙井壯  
鴻溝月臨魂傍蘆花起愧殺當年羨頡頏

濯溝晴波

碧涵風日漾晴波况有微雲覆綠莎危堞平臨鷗鷺  
狎支流西接桔槔多泛槎疑動天邊石垂釣猶潏水  
上梭賢母聲名留勝迹至今何處濯纓歌

中灤夜雨

聖旅席賁靜不驚天中嶽瀆共斯盟已開日月銷兵  
氣故假風雷洒道行澤沛宵征沾細柳星環北拱壯

前旌中灤古雉隨沙草野老猶傳大業成

淳于曉鐘

斷岡桑柘影重重良夜何其似扣鐘冷雨侵林時喚  
鶴踈烟引漏只呼松野僧一枕寒山夢比屋千年鳧  
氏封疑信端須探往事半犁作息六時農

磨潭秋月

高邱獨峙水之坻練色潭開午夜時抱葉枯蟬寒照  
咽驚綸小鮒澄波知交加林樹疑華藻掩映兼葭澹  
碧滋其說磨臍夕氣爽空懸明月刊荒籬

人物

常偉順治丙戌科舉人幼聰敏服詩書性孝友及將  
舉賢書後竭力致二親歡便身之物無不畢給讓伯  
仲以田產復為幼弟致業使成立又收恤族戚思濟  
鄉里周窮發志未畢而歿先是嘗書牒數紙日早起  
焚牒願減已壽為二親保安不二年而身卒卒年三  
十九後十餘年而二親康健亡恙諸子亦成立史館  
庶常祥符袁檐如異之為書其事致邑大夫入之志

云

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...





